

嘉靖青州府志

十

青州府志卷之十五

忠義

老子曰身與名孰親信斯言也死生難矣嗟乎此曳尾畏犧說也執圭委贄漫茲藉口悖哉士當耽晏濶視矜談臨難不同蓋亦鮮矣彼其喪元湛族死暱死僞君子憐之況得其所者邪作忠義傳

周齊太史南史氏史逸其名崔杼弑莊公太史書曰崔杼弑其君崔子殺之其弟嗣晝而死者二人其弟又書乃舍之南史氏聞大史盡死執簡以往

忠義

青州府志卷十五

一

聞既書矣乃還

陳不占齊臣聞崔杼弑莊公將赴之比去餐則失匕上車失軾御者曰怯如是有益乎不占曰死君義也無勇私也不以私害公遂往聞戰鬪聲恐駭而死

申蒯莊公侍漁崔杼弑莊公蒯退謂其宰曰爾以孥免我將死其宰曰免是反子之義也與之皆死
邢蒯躋齊臣崔杼弑莊公蒯躋使而返驅之將入死而報其君其僕曰君之無道也四鄰諸侯莫不

聞也以夫子而之死之不亦難乎蒯曰吾聞食其祿者死其事吾食亂君之祿矣又安得治君而之死之遂驅入死其僕曰人有亂君人猶死之我有治長可無死乎乃結轡自刎于車

石佗人齊臣陳恒弑簡公而盟者皆完其家不盟者殺之佗人曰昔之事君者皆得其君而事之今謂佗人曰舍而君事我佗人不能雖然不盟則殺父母也從而盟是無君臣之禮也生于亂世死不得正行劫于暴上不得義故雖盟不以父母之死

忠義

青州府志卷十五

二

不如退而自殺以禮其君遂自殺

杞梁名殖齊人仕爲大夫莊公伐莒爲車五乘之賔梁不與歸而不食其母曰汝生而有義死而有名則五乘之賔盡汝下也趨食乃行至莒一人出鬪獲甲首三百莊公曰子止與子同齊國梁曰君不使梁與五乘是少吾勇也臨敵止我以利是污吾行也深入多殺臣之事也齊國之利非吾所知也遂鬪而死其妻聞而哭之城爲之崩

華還齊大夫**華周**也齊侯伐莒杞殖華還先遇莒

子於蒲侯氏莒子重賂之使無死具請有盟周對曰貪貨棄命君所惡也昏而受命日未中而棄之何以事君遂與殖戰而死

王蠋齊畫邑人屢諫湣王不聽退而耕于野燕樂毅破齊聞蠋賢將封以萬家蠋固謝曰忠臣不事二君烈女不更二夫遂縊死齊士大夫聞之曰王蠋布衣也義不北面於燕況在位食祿者乎乃求湣王子法章立之是爲襄王

田橫故齊王榮弟項羽破齊復擊漢橫乃以散兵復收齊城邑立榮子廣爲王而相之及廣死橫自立爲王漢高帝旣立橫與其徒五百餘人入居海島高帝召之乃乘傳詣洛陽未至自剄其徒五百人聞橫死亦皆自殺

漢伏隆少以節操立名建武二年張步兄弟各擁彊兵據有齊地拜隆爲太中大夫持節使青徐州招降郡國隆移檄諸群盜皆惶怖卽時降張步遣使隨隆詣闕上書獻鮫魚其冬拜隆光祿大夫復使於步并於新除青州牧守及都尉俱東詔隆輒

拜令長以下隆招懷綏緝多來降附帝嘉其功比之酈生卽拜步爲東萊太守而劉永意復遣使立步爲齊王步貪受王爵猶豫未決隆曉譬不聽求得反命步遂執隆而受永封隆遣間使上書言臣奉使無狀受執凶逆雖在困厄授命不顧又吏人知步反畔心不附之願以時進兵無以臣隆爲念臣隆得生到闕廷受誅有司此其大願若令沒身寇手以父母兄弟長累陛下與皇后太子永享萬國與天無極帝得隆奏召父湛涕以示之曰隆可謂有蘇武之節恨不且許而遽求還也其後步遂殺之時人憐焉

忠義

青州府志卷十五

四

齊崔肇師清河東武城人魏尚書僕射亮之孫也肇師少頗踈放長遂變節更成謹愿涉獵經史頗有文思襲父爵樂陵男釋褐開府東閤祭酒轉司空外兵叅軍遷大司馬府記室叅軍天平初轉通直侍郎爲慰勞青州刺史至齊州界爲土賊崔迦葉等所虜欲逼與同事肇師執節不動喻以禍福賊遂捨之乃巡慰青部而還

隋杜松贊北海人性剛烈重名義爲石門府隊正大業末有賊楊厚擁徒作亂來攻北海縣贊從郡兵討之贊輕騎覘賊爲厚所獲厚令贊謂城中云郡兵已破宜早歸降贊僞許之既至城下大呼官軍大來罵言未卒賊已斬斷其腰煬帝優詔褒揚贈朝散大夫本郡通守

唐劉康義益都人昭宗時爲密州刺史楊行密陷其城康義死之

王師範青州人以忠義自許爲淄青平盧節度使時朱溫圍鳳翔師範見詔書泣曰吾屬爲帝室藩屏豈得坐視天子困辱雖力不足當死生以之遂起兵討溫求助於楊行密斬朱友寧於青州兵及淮南力不能支爲溫所族

張道古臨淄人景福中進士釋褐爲著作郎遷右拾遺昭宗時貢五危二亂表云只今劉備孫權已生於世矣謫施州司戶叅軍後聞駕走西岐又遷東洛皆契五危之事悉歸二亂之源後入蜀王氏聞而憾之乃變姓名賣卜導江青城市中建開國

召爲武部郎中至玉壘關謂所親曰吾唐室諫臣終不能拳跽與鷄犬同食雖召必再貶於死之日葬我於關東不毛之地題曰唐佐輔補闕張道古墓後遇害妻亦繼亡蜀主憫之俾祔葬鄭雲叟有詩哭之

五代孫晟密州人少好學有文詞初仕唐莊宗爲著作佐郎後爲安重誨所惡乃奔南唐官至司空周世宗征淮李景懼遣王崇質副晟奏表世宗留之晟語崇質曰吾行必不免然終不忍負永陵一

忠義

青州府志卷十五

六

杯土世宗待晟甚厚召問江南事終不對世宗怒下獄會南唐蠟書斥周過惡乃殺晟臨刑神色怡然南望拜曰臣惟以死報國唐主哀之贈魯國公**夏魯奇**字邦傑青州人唐莊宗賜姓名曰李紹奇莊宗嘗以百騎覘敵遇伏兵圍之魯奇力戰手殺百餘人身被二十餘鎗與莊宗決圍而出又從戰中都擒王彥章莊宗壯之拜鄭州防禦使遷河陽節度使徙鎮忠武後董章攻遂州魯奇閉拒之旬月救兵不至城中食盡自刎死

宋王輝青州人靖康間應募立功官至巡檢使寓吉州茶寇犯邑郡以輝驍勇檄之使行至勝鄉地險輝勇於進爲賊所得以刃加頸欲降之輝含血大罵遂死事聞贈忠州刺史

陸有常欽宗時知臨淄會臨朐土兵作亂有常率民兵拒守戰死知益都縣**張侃**千乘縣丞**丁興宗**皆死之

李邈清江人欽宗時以觀察使知青州會金兵將至邈聚財募兵共爲死守計久之城陷被執幹離

忠義

青州府志卷十五

七

不脅使拜不屈曰汝不於此時還二帝及兩河地歲取重幣如契丹彊尚可恃也金人諱其言命邈被髮左衽邈憤怒詆毀甚力金人怒殺之將死顏色不變南望再拜端坐受戮高宗贈招化軍節度使

王允功建炎二年爲北海縣丞金人來攻城允功與濰州守韓浩率衆死守城陷力戰死之及司理叅軍王薦皆全家陷沒

周中世居濰州建炎二年金人攻城率家人乘城

拒守中弟幸家最富盡散其財以享戰士城陷中
闔門百口皆死紹興六年褒贈

密祐密州人徙廬州累官江西路副總管咸淳中
爲江西都統元伯顏兵東下至隆興祐率衆逆戰
大兵圍數重祐告其部曰今日死日也若力戰或
有生理兵敗被執竟不屈而死

金時茂先日照縣沙溝酒監寓居諸城紅襖賊方
郭三據密州過其村居民相率迎之賊以元帥自
稱茂先怒謂衆曰此賊首耳何元帥之有方郭三

忠義

青州府志卷十五

八

聞而執之斷其腕茂先大罵賊不勝忿復剔其目
亂刃剉之至死罵不絕口詔贈武節將軍同知沂
州防禦使

元于大本密州人由教諭歷官信州總管賊犯信
州大本被執僞王釋之昇僞印一紐欲官之大本
投印於地大罵遂被害

纂公直樂安人世業農爲益都勸農官世祖知其
勇召授領兵荆南等處招討司事奉旨南伐至隆
興與宋軍逆戰斬首萬餘級生擒七百人隆興降

由是南安吉贛皆望風歛附加昭勇大將軍佩金
虎符後從伯顏戰洪水山追擊侵遠援兵不至公
直與妻俱陷子瑗力戰而死

王英字邦傑益都人性剛果有大節善騎射爲莒
州千戶元貞中屢破泰山永新安福等處賊授懷
遠大將軍李志甫起漳州劉虎仔起潮州時英已
致仕詔起又平之至正中毛貴陷益都英年九十
六謂子弘曰我世受國恩今老矣縱不能事戎馬
以報天子尚忍食異姓之粟以求生乎遂自餓死

忠義

青州府志卷十五

九

張士謙字文益樂安人累官南臺監察御史出知
婺源州敵兵至五十餘日城陷被執賊先戮其妻
仍加刃於頸以脅之降士謙曰吾爲國死忠豈畏
死邪可急殺我至死色不變罵不絕口事聞封清
郡伯

普顏不花益都人初爲益都路達魯花赤遷山東
廉訪使累官平章山東行省守禦益都壓境不花
捍成力戰陷被縛不屈死之

胡濬樂安人順帝時爲益都路總管

天兵取其城濬自縊死

齊郁博興人至正中任山東東西道宣慰使司僉事與宣慰使普顏不花同領武事 國朝徐達常遇春兵臨益都力戰不支郁謂子顥曰城陷當死但吾主尚在或有後圖吾將與宣慰北矣及城陷宣慰不屈死郁遂經皆死之贈汝南伯

王著世祖時爲益都千戶耿介有義氣時阿合馬肆姦人心憤怒著乃殺之闕下世祖使人討之卽挺身請囚臨刑大呼曰著爲天下除害今死矣異

忠義

青州府志卷十五

十

日必有爲我書其事者後太史王惲書其義

牟魯洪武初爲莒州同知青州民孫古朴等作亂襲莒州執魯欲脅使降魯叱之曰今民皆安業汝輩何爲自取夷戮卽悔過自新猶可轉禍爲福不然官軍至汝輩寧有遺種乎我守土臣有死而已所可惜者良民也賊未敢加害擁至城南鄒家莊魯大罵賊遂殺之事聞 命厚卹其家

王公懋洪武初爲高苑縣丞時疆賊數十人入高苑掠民不能禦公懋率兵捕之賊拒敵斫公懋左

耳公懋不爲動擊殺二人餘皆擒之事聞 賜綺
帛旌之

國朝華承學蒙陰人正德六年遇流賊欲脅以行
承學曰汝逆賊也行將磔尸萬段我何從汝賊怒
遂支解焚其屍九年 詔旌之

張鵬安丘人正德六年流賊猖獗獨倡大義募精
兵協力拒敵身被重創而死事聞 詔旌其門給
其子冠帶

忠義

青州府志卷十五

十一

孝友

夫光上下格鬼神孝弟大矣其得偏取節猶重黨族豈非所稱士之次歟青齊之士或以身代兄或以道悟姪或全名亂世或秉節殊朝萌恭哀革卓卓可表其間瘵形滅性誓報論法縱未協中淬礪頽俗蓋亦厚云作孝友傳

漢兒萌齊人與梁郡車成兩人兄弟並見執於赤眉將食之萌叩頭乞以身代兄賊哀之而咸釋焉

江革字次翁臨淄人少失父獨與母居遭亂負母

孝友

青州府志卷十五

十一

逃難數遇賊輒涕泣哀求言有老母辭氣愿欵賊爲感動不忍殺指示避兵之方遂得俱全轉客下邳貧窮裸跣行傭供母便身之物莫不畢給建武末歸鄉里每至歲時縣當按比革以母老不欲搖動自在轅中挽車不用牛馬鄉人稱之曰江巨孝母終廬墓不除服永平初舉孝廉爲郎補楚太僕終諫議大夫

淳于恭字孟孫北海人王莽末歲饑兵起恭兄崇將爲盜所烹恭請代得與俱免後崇卒養其孤幼

教誨問孝有不知法輒反用杖自箠以感悟之姪皆愧而改過建初元年肅宗徵除議郎遷侍中騎都尉進對陳政皆本道德帝與之言未嘗不稱善

董永千乘人少失母獨養父父亡無以葬乃從人代錢一萬日後無錢還當以身作傭葬畢道遇一婦人求爲永妻永與詣錢主令織縑三百足以償一月而畢辭永曰我天之織女緣君孝上帝令我助君償債言訖凌空而去後人汝瀚有孝行爲青郡模範官戶部郎中

孝友

青州府志卷十五

十三

母丘長安丘人與母行市遇醉客辱其母長殺之而亡追蹤於膠東得之膠東侯相吳祐呼長曰子母見辱人情所恥然孝子忿必慮難動不累親今逞怒殺人赦若非義刑若不忍將如之何長以械自繫曰囚犯國法明府雖加哀矜恩無所施祐問長有妻子乎曰有妻無子也卽移安丘逮長妻妻到解其桎梏使宿獄中遂懷孕至冬行刑長泣謂母曰負母應死當何以報吳君乃嚙指吞之含血言曰妻若生子名之吳生言我臨死吞指爲誓屬

兒以報吳君因投轅而死

三國王哀字偉元儀之子哀少有志操痛父非命
隱居教授累辟不就廬墓側旦夕拜跪攀栢悲號
涕淚着樹樹爲之枯母存日畏雷沒後每雷震輒
至墓曰哀在此讀詩至哀哀父母生我劬勞未嘗
不反復流涕門人爲廢蓼莪之篇家貧躬耕計口
而田度身而蠶或有助遺者皆不受及司馬氏篡
魏哀終身不西向而坐以示不臣於晉

晉汜毓字稚春其先濟北盧人逮毓七世居青時
孝友
人號其家兒無常父衣無常主父終廬於墓者三
十餘年至晦朔躬掃墳壠循行封樹還家遂閉門
不出武帝屢召補官不就于時青土隱逸之士劉
逃徐苗等皆務教授惟毓不畜門人清靜自守時
有好古者諮詢亦傾懷開誘

南北朝臧燾字德仁莒人少好學善三禮貧約有
操行晉太元中始立國學謝玄舉燾爲助教未幾
去官以母老家貧與弟燾躬耕約已養親者十餘
年父母喪亡居喪六年以毀瘠著稱宋武帝時以

后兄徵拜太常雖外戚貴顯而彌自冲約所得俸祿與親戚共之加拜光祿大夫致仕卒贈榮祿大夫

孫益德樂安人其母爲人所害益德童幼爲母復讐還家哭於殯以侍罪孝文文明太后以其幼而孝又不逃罪特免之

王閻北海密人也數世同居有百口共財產家門雍睦鄉里敬異有司申奏皆標門閭

臧盾字宣卿莒人幼從瑯琊諸葛璩受五經章句

孝友

青州府志卷十五

十五

璩異之歎曰王佐才也初爲撫軍行參軍遷尚書中兵郎盾美丰姿善舉止有孝性居父母喪五年不出廬形骸枯悴家人不復識高祖聞而嘉之服闋除丹陽尹遷御史中丞公性强甚稱職後爲吳郡太守未期以疾陳解卒諡曰中子孟弘桂陽內史次子仲博曲阿令弟厥亦以幹局稱累遷尚書右丞

唐孫旣莒州人父應乾天寶末爲驍騎都尉戮力破賊屢有戰功應乾卒旣尚少母亡執喪哀毀廬

墓側髮鬣面垢疋瘵骨立有醴泉湧於墓側里人名曰孝源泉碑刻尚存

五代王陶密州人數世同居史傳孝友

呂光簡北海人數世同居天子旌其門賜粟帛有司存問

宋孫唐卿字希元青州人少有學行以書謁韓琦琦深器之登進士判陝州於吏事若素習者民有母再適而死及葬父恨母不得祔盜母之喪同葬之有司論以法唐卿時權府事曰斯人知有孝而

孝友

青州府志卷十五

十六

不知有法乃釋之以聞未幾丁父憂毀瘠嘔血卒詔賻其家

母卬安丘人善事父母父卒葬邑西郊朝夕哭奠風雨不輟妻馬氏從泣火香于臂母卒亦如之邑令馬驥以事聞進士周元賓銘其墓碑刻尚存

元件正臣字真卿樂安人操履端方爲忠顯校尉管軍千戶辭職事親竭力奉養以孝聞旌表

陳忠壽光人子海兄弟四人同居孝友大德八年旌表

朱景初樂安人祖義金季自齊徙家於青父閏又徙樂安景初沉靜溫良克敦孝友樂賑施遇歲歉大發倉粟以濟鄉黨至正年旌表

吳傑博興人兄弟四人居五十餘年又建義塾延師教鄉閭子弟知州郭克以聞旌表

鄒維新莒人慈訓狀元母子貞孝

辛世顯字伯榮臨朐縣人忠誠孝義武而有文年踰七旬精力不衰日與弟宴集怡怡如也老稚百餘口閨門肅睦人無間言同居五世人稱美之

孝友

青州府志卷十五

十七

國朝龔琮字廷璽益都人任三河縣知縣母喪哀毀欲廬墓恐傷父心不果後父卒廬墓三年致有靈芝白兔群烏棲鳴墓樹幾千百之異人皆以爲孝感所致弘治十三年知府杜源上其事 詔旌其門

傅鉞臨淄人新建縣丞母卒廬墓三年父卒亦如之有白鵲來巢枯杏再花之異弘治十四年知縣周致上其事 詔旌其門

張旻日照人邑庠生父卒廬墓三年正德間 詔

給官帶仍旌其門

孫整樂安人太學生任教諭居父喪哀毀祖母卒廬墓有司上其事 詔旌其門

沈齋字思旦臨朐人郡庠生受業於任丘李敘菴得其理學幼失怙恃母沒合葬結廬墓側寢苦枕塊泣血三年一夕有强暴經其廬皆曰此孝子也當避之朝視其處有遺金焉又異禽巢墓樹敘菴詩美之有誠感靈禽巢滿樹化行强暴夜遺金之句

孝友

青州府志卷十五

十八

劉愷益都人父母相繼卒廬墓哀毀踰禮成化間知縣郭溥欲上其事愷謝止之

陳玠安丘人邑庠生事親孝敬母卒廬于墓側朝夕哭踊不衰父卒亦如之

張佩蘭諸城人國子生時卒業于太學適聞流賊剽掠山東切念父母年老驚怖徒步歸養終不仕

鞠珍字廷玉臨朐人成化中鄉薦奉親至孝不信浮屠母卒躬負土成墳後選南樂主簿常祿之外一無濡染詣部考績珍乞歸田曰吾老不能任職

餘祿足以養身復何求焉冢宰王公歎曰吾有愧乎爾矣歸家杜門不出尹嘗署其家以遠役珍裹糧以往尹聞之驚曰何乃爾遽令罷之非公事不謁人稱有澹臺之風焉

王滕安丘人事母以孝稱正德六年流賊陷城母李病亟滕扶母避小巷賊入欲弇之滕以身蔽母泣告曰母年老且病願以身代賊置而去

劉紳字佩教昌樂人庠生母卒廬墓三年以賢孝稱

孝友

青州府志卷十五

十九

李子英安丘人父蚤亡母楊氏勵志守節及卒英廬墓哀毀成疾亦卒人多憐之

班言臨淄人母卒欲廬墓制於父命不克遂及父卒廬墓三年家貧躬負土築墳是歲四方大旱惟邑中得雨澤人以爲班氏孝感所致

李幹高苑人事親色養母卒廬墓三年服闋領鄉薦後子侃亦廬幹墓

石玉祿高苑人母疾幾亡藥不能瘳玉祿潛割股爲食以奉母食之甘疾愈人以爲篤孝

劉學詩昌樂人母卒廬墓稱於鄉

黃信字允之益都人性至孝祖母張壽八旬臥病竭力供奉親澣中垢母喪在殯值寇掠里閭守棺不舍寇至擊臂流血泣弗止寇相戒去女兄早寡迎歸給養至老撫二孤別植產以成其節弟早卒徒步自京師赴視其窆盡哀黨里有不能婚葬者助之足不入公府惟鄉飲讀法間一至部使者廉其孝欲請於朝信亟止之曰有子卿叨登科甲已沾恩渥自當知足人益賢之

孝友

青州府志卷十五

二十

程玉字佩之樂安人事繼母以孝稱母尋感化諸弟傲且悍玉處之無戾心宗黨以爲難父卒哀毀逾禮鄉鄰皆無間言仕真定丞多惠政性方介不能隨俗諂事當路竟以此免官家居教子紳登第卒獲恩命贈刑部主事孫鳴伊繼丙辰科進士今爲戶部主事督永平邊稅褒榮方未艾云

儒林

夫文藝經術 顧惟浮藻代多漸沒自非
卓絕未易行遠其經生學士專業名門則頌義無
窮營術不殊所托異也孫王諸君蓋附驥者一日
千里亦何怪哉作儒林傳

秦胡毋敬臨淄人博學七章多取史籀

漢孫虞字子乘東武人明易學自孔子授之魯商
瞿子木子木授之魯橋庇子庸子庸授之江東駢
臂子方子方授之燕周醜子家子家授之子乘子
儒林
青州府志卷十五 二十一
乘又授之田何子莊雖經秦焚滅詩書易以卜筮
存故淵源不絕于世

田何字子莊齊人也自孔子授易五傳至何及秦
禁學以易爲卜筮之書獨不禁故何傳之不絕漢
興田何以齊諸田徙杜陵號曰杜田生以易受弟
子東武王同子中洛陽周王孫丁寬齊服生等皆
顯當世惠帝時何年老家貧守道不仕帝親幸其
廬以受業終爲易者宗

王同字子中東武人受易於田何同學尤精邃時

淄川楊何廣川孟旦魯周霸莒衡胡齊卽墨成臨
淄主父偃皆受業於同爲時所宗

徐良字遊卿瑯琊人從梁人戴德延君學禮累官
博士州牧郡守家學正傳繇是大戴有徐氏之學

殷崇瑯琊人與楚國龔勝俱從大梁陳翁生受尚
書爲博士

魯伯瑯琊人與河內張禹俱從沛國施讐學易官
至會稽太守

邴丹字曼容瑯琊人與泰山毛萇如俱從同郡魯

儒林

青州府志卷十五

二十二

伯學易清名大著

轅固齊人治詩景帝時博士以廉直拜清河王太
傅疾免武帝立復以賢良徵諸儒多嫉毀曰固老
罷歸之時年已九十餘公孫弘亦被徵仄目視固
固曰公孫子務正學以言毋曲學以阿世諸齊以
詩顯者皆固之弟子也

胡毋生字子都齊人治公羊春秋景帝時爲博士
與董仲舒同業仲舒著書稱其德年老歸教於齊
瑯琊王中公孫王東門雲莞路左咸俱宗其傳

衡胡莒人受業王同本原田氏

甄宇字長文安丘人習嚴氏春秋教授嘗數百人
建武中徵拜博士遷太子少傅

徐子盛姑幕人業春秋授徒豕傭聽講

兒寬千乘人治尚書以郡國選詣博士受業孔安
國家貧賃作帶經而鋤武帝時以射策爲掌故遷
左內史表奏開六輔渠定水令以廣溉田收租稅
時裁濶狹與民相假貸以負租課殿當免民恐失
之輸租纏屬不絕更以最聞寬通世務明習文法
儒林

以經術緣飭吏事後爲御史大夫

歐陽生字伯和千乘人受尚書於伏生傳兒寬寬
傳歐陽生子世世相傳曾孫高爲博士高孫地餘
以太子中庶子授太子後爲博士由是尚書世有
歐陽生學至歛絕

京房東郡頓丘人元帝時爲齊郡太守房治易長
於災變分六十卦更直日用事以風雨寒溫爲候
各有占驗房用之尤精好鍾律知音聲後爲石顯
伍鹿充宗所害

梁丘賀字長翁琅邪諸人初以能心計爲武騎從京房受易後更事田王孫宣帝聞京房明易求其門人得賀入說易善之以爲郎賀小心周密甚見信重官至少府圖像麒麟閣

梁丘臨賀子亦以說易爲黃門郎甘露中奏使問諸儒於石渠專行京房法

浮丘伯臨淄人申公楚元俱從受詩

王中琅邪人從東海嚴彭祖受公羊春秋仕漢元帝官至少府家世傳業

儒林

青州府志卷十五

二十四

伏湛琅邪人伏生九世孫父理當世名儒湛少傳父業教授數百人更始時爲平原太守湛拊循其民一郡賴以保全光武徵拜大司徒封陽都侯奏行鄉飲禮世傳經學清靜無競東州號爲伏不鬪

伏恭字叔齊湛兄子初湛第黯明齊詩改定章句作解說九篇恭傳黯學光武時常山太守敦修學校教授不倦由是北州多爲伏氏學明帝臨雍拜爲司空肅宗行享禮以恭爲三老子壽拜東郡守

鄭玄字康成安丘人尚書崇八世孫少入太學通

京氏易公羊春秋三統曆九章筭術又從東郡張
恭祖受周官左氏春秋韓詩尚書西事馬融質諸
疑義三年辭歸融歎曰吾道東矣及黨錮起杜門
著書大將軍何進辟之玄不受孔融屣履造門嘗
道遇黃巾賊數萬見玄皆拜相約不入境袁紹舉
玄茂才表爲左中郎不就公車徵爲大司農給安
車一乘所過長吏迎送以病乞還時袁紹與曹操
拒於官渡令其子譚逼玄隨軍不得已載病到元
城卒郡守以下嘗受業者纒經赴會凡千餘人所

儒林

青州府志卷十五

二十五

著有五經傳乾象曆天文七政論等書百餘萬言
歐陽歙字正思樂安人自歐陽生傳伏生尚書至
歙八世皆爲博士歙恭謙好禮王莽時爲長社宰
更始立爲原武令世祖平河北至原武見歙在縣
修政遷河南都尉世祖即位爲河南尹封被陽侯
建武五年坐免明年拜揚州牧遷汝南太守推用
賢俊更封掖侯歙在郡教授數百人視事九歲徵
爲大司徒在汝南賦罪千萬餘發覺下獄諸生守
闕爲歙求哀者千餘人至有自髡剔者平原禮震

年十七聞獄當斷馳之京師行至河南獲嘉縣自繫上書求代歎死曰伏見臣師大司徒歐陽歎學爲儒宗八世博士而以贓咎當伏重辜歎門單子幼未能傳學身死之後永爲廢絕上令陛下獲殺賢之譏下使學者喪師資之益乞殺身以代歎命書奏而歎已死獄中歎掾陳元上書追訟之言甚切至帝乃賜棺木贈印綬賻縑三千匹子復嗣復卒無子國除

伏理瑯琊東武人時匡衡詩學精習理與師丹同

儒林

青州府志卷十五

二十六

受詩於衡官至高密王傅由是齊詩有師伏之學
牟萇字君高樂安臨濟人少習歐陽尚書不仕王莽建武二年大司空宋弘辟拜博士遷河南太守諸生講學者常千餘人著尚書章句皆本之歐陽氏世號爲牟氏章句

三國劉敏元字道光北海劇人勵行修學險難不改潛心易太玄不好讀史嘗謂同志曰誦書當味義理何貴於浮辭易者義之源太玄理之門能明此者卽吾師也永嘉之亂同縣管平年七十餘隨

敏元西奔及滎陽平爲賊所執敏元已免乃還謂賊曰此公孤老請以身代賊相謂曰義士也釋之後仕劉曜爲中書侍郎

賈思伯益都人仕魏官至安東將軍廷尉卿思伯自以儒素爲業不好法律時議建明堂多異同不合思伯乃上議考訂甚詳學者多善其識後轉正都官以太保崔光薦爲侍講授肅宗左氏春秋卒諡文貞弟**思同**仕魏歷官襄州刺史雖無明察之譽百姓安之元顥之亂同獨不降莊帝還宮封營

儒林

青州府志卷十五

二十七

陵縣男後爲侍講授靜帝杜氏春秋加散騎常侍拜侍中卒諡文獻時國子博士衛冀隆精服氏學上書難杜氏春秋六十三事思同復駁冀隆乖錯者十一條立相是非積成十卷詔下國學集諸儒考之事未竟而思同卒

晉孫叔然本名炎與晉武同名故以字稱樂安人受學鄭玄之門人稱東州大儒徵爲秘書監不就嘗作周易春秋例毛詩禮記春秋三傳國語爾雅諸注並行於世

徐邈東莞姑幕人勤學勵行東晉初徙居京口孝武時謝安舉爲中書舍人譔正五經音訓學者宗之遷散騎常侍處西省前後十年多所匡益轉祠部郎上南北郊宗廟迭毀禮皆有証據遷中書侍郎專掌綸綍仕終驍騎將軍嘗注穀梁傳諸書

徐廣字野民邈之弟家世好學至廣尤精百家仕晉孝武除爲秘書郎譔車服儀注及晉紀四十二卷答禮問百餘條桓玄篡位安帝出宮廣陪列悲慟宋武帝卽位恭帝遜位廣又涕泗交流永初間

儒林

青州府志卷十五

二十八

除中散大夫

王歡字君厚營陵人安貧樂道不營產業其妻患之焚毀其書或求改嫁歡笑而謂曰卿不聞朱買臣妻耶守志彌固遂爲通儒慕容暉襲僞號署爲國子博士親就受經遷祭酒及暉爲符堅所滅歡死於長安

南北朝伏曼容字公儀滔曾孫少孤與兄客居南海篤學善老子易侗儻好大言聚徒教授以自業歷仕宋齊梁終臨海太守嘗與司馬顯陸澄譔喪

服生徒常數十百人所著有周易毛詩喪服集解
老莊論語義行於世

宋李覺字仲明京兆長安人曾祖鼎唐國子祭酒
唐末避亂徙家青州益都鼎生瑜州推官瑜生成
成生覺太平興國中舉九經爲秘書丞太宗以孔
穎達五經正義刊板詔覺校定太宗視學覺講易
泰卦述天地感通君臣相應之旨上甚悅詳校春
秋正義成改水部員外郎子宥祥符中進士爲祠
部員外郎

儒林

青州府志卷十五

二十九

李之才字挺之青社人性朴直爲文章語直意邃
天聖八年進士師穆修受易修受之种放放受之
陳搏源流至遠其圖書象數變通之妙秦漢以來
鮮有知者嘗權共城令邵雍傳其學爲澤州簽署
判官澤人劉義叟從受曆法世稱義叟曆法遠出
古今官至殿中丞

楊光輔密州安丘人居馬耆山教授州守王博文
薦爲太學助教孫奭知兗州又薦太常寺奉禮郎
州學講書仁宗召至命說尚書光輔講無逸時年

七十餘論說明暢帝悅欲留爲學官以國子監丞
老于家

盧士宗字公彥昌樂人舉五經嘗侍講仁宗御延
和殿詔講官悉升殿聽其講易進龍圖閣直學士
仁宗崩神主祔廟與禮官義不合出知青州英宗
曰學士忠純之操朕所素知豈宜久處外郡召對
論知人安民之要勸帝守祖宗法御史言其罕通
吏事且衰病改沂州熙寧初以禮部侍郎致仕

張行簡字敬甫日照人暉長子穎悟力學大定中

儒林

青州府志卷十五

三十

進士第一累官禮部尚書翰林學士終太子太傅
端慤慎密爲人主所知著文集十五卷禮例纂一
百二十卷會同朝獻禘祫喪葬皆有記錄及清臺
皇華戒嚴爲善自公等記藏於家卒贈銀青榮祿
大夫諡文正

元鄭朝宗康成之裔至元八年有司以禮起薦本
縣儒學教諭學行文采允稱師範創講堂復民所
侵地土風頗振

國朝尼養德益都人洪武初由儒士舉永年教諭

弟養性亦以儒士舉真定訓導並倡明理學啓迪
後進時人方之河南二程兄弟

劉原芳蒙陰人持重嚴毅博治經史洪武甲申由
儒士授武城訓導勤于訓誨以興起斯文爲已任
當時及門受業者皆爲名士門人號爲蒙山先生

儒林

青州府志卷十五

三十一

文學

傳曰言之不文行之不遠齊稱稷下堅白同異離經掩實閎博麗達有足觀者鄒陽節伸僭國嚴安力挽頽風實亦多矣左思以下咸究一藝云

周田駢齊人宣王時與趙人**慎到**楚人**環淵**學黃老術序其指意慎到著十三篇環淵著上下篇**田**

駢接予

予一作子

亦著書言治亂之事皆稷下文學之士

騶忌齊人以鼓琴見威王說而舍之右室三月而授相印淳于髡見之出而面其僕曰是人者吾語

文學

青州府志卷十五

三十二

之微言五其應我若響之應聲是人必封不久矣居期年封以下邳號曰成侯

騶衍齊人睹有國者淫侈不尚德乃觀陰陽消息而作終始大聖之篇十餘萬言閎大不經然止乎仁義節儉君臣上下六親之施名重於齊適梁惠王郊迎執賓主禮適趙平原君側行避席如燕昭王擁篲先驅請列弟子而受業諸侯甚見尊禮

騶奭齊諸騶子采騶衍之術以紀文齊王嘉之命曰列大夫爲開第康莊之衢高門大屋尊寵之

漢鄒陽齊人景帝時與枚乘仕吳文辯著名吳王以太子事怨望陰有邪謀陽諫不納去之梁從孝王遊被譖下獄上書自明王立出之卒爲上客

主父偃臨淄人初學縱橫晚學易春秋百家言上書武帝朝奏暮召所言九事八事爲律令一事諫伐匈奴時徐樂嚴安上書言世務上曰公等安在何相見之晚拜偃郎中歲四遷終齊相召昆弟賓客散五百金予之持辯詐以私意構陷齊王被誅

嚴安臨淄人武帝時上書言天下侈靡離本徼末

文學

欲爲制度以防其淫和其心又言周失之弱秦失之強結怨匈奴非所以安邊也拜騎馬令

三國徐幹字偉長北海人嘗爲司徒軍謀祭酒掾屬五官將文學清玄體道不耽世榮建安中魏太祖特加徵命以疾休息後除上艾長又稱疾不行

建安二十二年卒文帝與元城令吳質書曰古今文人類不護細行鮮能以名節自立而偉長獨懷文抱質恬淡寡欲有箕山之志可謂彬彬君子矣

著中論二十餘篇與孔融王粲等稱建安七子云

晉左思字太冲臨淄人博學兼善陰陽術著齊都賦一年始成復賦三都構思十年門庭藩溷皆置筆紙偶得一句輒䟽入自揣所見不博求爲秘書郎及賦成張華見而歎曰班張之流也使讀之者盡而有餘久而更新於是豪貴之家競相傳寫洛陽爲之紙貴及張方縱暴都邑舉家適冀州

伏滔安丘人少以才學名州舉秀才辟別駕皆不就大司馬桓温引爲參軍時淮南屢叛著論一篇名曰正淮温稱賞之大元中拜著作郎專掌國史

文學

青州府志卷十五

三十四

領本州太中正遷遊擊將軍子系之歷黃門侍郎侍中尚書光祿大夫

晏謨臨淄人晏嬰之後善屬文南燕慕容德召謨問以臨淄故事謨應對辨博德嘉賞之撰齊記行于世

南北朝劉勰字彥和東莞莒人篤志好學嘗著**文心雕龍**五十篇論古今文體欲就決於沈約約時貴盛無由通白乃負書候約於車前狀若貨鬻者約取讀之大驚異謂深得文理仕宋官至東宮通

舍人後崇佛教改名慧地

臧嚴字彥威燾之後幼有孝性孤貧勤學累遷湘東王宣惠輕車府叅軍歷義陽武寧郡守郡界蠻左前郡守常選武人以兵鎮之嚴獨以數門生單車入境羣蠻悅服後爲鎮南諮議叅軍卒有文集十卷

蔣少游樂安博昌人性機巧頗能刻畫有文思北魏高允愛其文薦之補中書博士後爲太常少卿孝文時製冠裳營太廟及華林殿詔修舊增新改

文學

青州府志卷十五

三十五

作金墉門樓皆所措意號爲妍美雖有文藻而不得申其才用識者爲之歎慨卒贈龍驤將軍青州刺史諡曰質有文集十卷

徐紇字武伯樂安人家世寒微紇少好學有名理頻以文詞見稱察孝廉對策上第高祖拔爲主書世宗初除中書舍人紇機辯有智數當公斷決終日不以爲勞長直禁中晷無休息

任昉字彥升遐之弟八歲能屬文初仕齊爲太學博士王儉沈約皆推讓其文梁武帝時歷黃門侍

郎出爲義興新安太守爲政清省吏民便之所著
文數十萬言

孫擻字彥舉樂安人仕北齊爲國子助教以文才
著稱崔祖螭反擻預焉逃罪遇赦乃出會高祖西
討登鳳陵命中外府司馬李義深相府城局李士
畧共作檄文二人皆辭請以擻自代高祖引擻入
帳自爲吹火催促之擻援筆立成其文甚美高祖
大悅卽署相府主簿專典文筆又能通鮮卑語兼
宣傳號令當煩劇之任然擻學邃而行薄醉甚而

文學

青州府志卷十五

三十六

卒贈吏部尚書

唐段成式臨淄人文昌子以蔭補校書郎博學強
記多奇篇秘籍仕終太常少卿著酉陽雜俎數十
篇子安節乾寧中爲國子司業善樂律能自度曲
崔信明益都人秦川令時擅詩名嘗吟楓落吳江
冷句者

宋麻仲英臨淄人祖希夢太宗時爲工部侍郎父
景太平興國中進士兄溫舒大中祥符及第仲英
七歲能詩以親亡祿不及養不肯復仕博學有行

里閤推服雖凶年盜不入其家富韓二公守青州致書幣薦其行義召爲國子助教東方學者咸尊師之

王闢之臨淄人登治平四年進士從仕四方志尚博雅紹聖間退居澠水日與賢士大夫遊每燕談間有可取者輒記之久而得三百六十餘事編次成帙爲十卷題曰澠水燕談行于世

趙師民字周翰臨淄人九歲能屬文舉進士領諸城主簿學問精博孫奭自以爲不及除齊州推官

文學

青州府志卷十五

三十七

王堯臣龐籍薦爲國子監直講加崇政殿說書會趙元昊反罷進講師民上書陳五十事因獻勸講箴遷天章閣侍講累請補郡出知耀州三遷刑部郎中有集二十卷子彥若試中書舍人

金劉拱辰博昌縣人少聰敏博學善屬文士君子見之皆以公輔期旣而舉鄉貢遠近慕其風則有疑多徃質之作寶泉院記

元于欽字思容益都人博學多聞初任國子助教陞兵部侍郎奉命山東周覽原隰詢鄉老水經地

記歷代沿革著書六卷名曰齊乘

于潛字

欽之子欽嘗以所纂齊乘囑潛欽卒

至正間潛爲兩浙鹽運副使節稟命工梓之以行

王克恭昌樂人丰采凝重問學淵深皇慶二年以

明經領鄉薦後充本州儒直學

國朝楊光溥沂水人進士任刑部主事員外郎中

成化間元勲魏國公兄弟讐訐累年不竟 上命

理之溥至昭宣 德意振舉國章累年之訟一旦

俱釋 上嘉獎賜以寶楮陞山西按察司副使致

文學

青州府志卷十五

三十八

仕所居建亭曰素封鑿池引水吟咏其間著剪燈

瑣談沂川文集素封亭稿梅花集詠傳于世

劉銳字汝忠壽光人文和公翊第四子成化癸卯

上念翊在東宮講讀之功廕補中書舍人時銳八

歲召至文華殿起拜如成人 聖心嘉愛時召見

門闕限高邃菴楊公常提携過之及文和致政奉

侍養歸家居數年肆力經史弘治壬子鄉試銳欲

辭廕就科目合各郡儒士糊名試之開卷第一諸

司屬望發解意欲奏請冢宰尹公與銳爲通家屢

止之曰若子文藝何但取巍科 憲廟之恩不可
孤也銳乃止甲寅赴部除原職終太常寺卿兼翰
林院五經博士歷仕五十餘年進階資善大夫著
述頗富有西橋文集藏于家

黃禎字德兆安丘人少有重名舉癸未進士性磊
落自負罔徇時好爲兵部武選司郎中坐失火繫
獄免歸復起爲吏部文選司郎中以忤時相復繫
獄免歸嘗獨坐一樓日事吟咏遍擬諸名家詩獨
所爲擬騷者梓行于世爲文力追古作不爲靡麗

文學

青州府志卷十五

三十九

語尤長于詩與樂安李舜臣齊名海內謂之李黃
李舜臣字懋欽一字夢虞樂安人癸未會試第一
年方弱冠長身玉立文雅器度甚偉白巖喬公爲
吏部方以耆宿獎勵後進一見嗟異以台輔期之
調吏部文選司主事轉貧外郎出爲江西提學僉
事陞南京國子司業進太僕寺卿性簡重慎詳居
家儉素不樂紛華讀經謂漢儒注疏去古未遠其
言足據復用六書正其舛誤爲文力浣脂澤專崇
風味盡刊枝葉獨臻妙約章丘李伯華以書遺之

曰公文盡去皮肉畢竟如伏羲六畫已乎然文人
獨詣反約爲難我朝文章家自一名品也有戶
部符臺集

辛樂安丘人勤學謹行以周易教授門徒俊髦多
出其門領嘉靖乙酉鄉薦授洛陽訓導朝夕課士
常以所入俸資供之陞開封教授擢榆次令以廉
謹名甫半歲而卒民多思之

張敬字克恭益都人由鄉舉任成安灤城鄆州三
學教事歷二十餘年引年謝事郡邑敦請教誨諸
生年踰八十耳目聰明通詩書易三經尤長於史
學書法手不釋卷人咸重之

文學

青州府志卷十五

四十

馮惟健字汝至臨朐人憲副裕之子生于遼左隨
宦南北游學金陵方弱冠文名嶄嶄起聲聞士林
才情駿發縱橫捭闔弗拘時好超然絕塵同學之
士靡不傾心其自江南歸青也青之人士睹其文
筆異焉以爲野王再生敬通復出爭相引重摹其
點畫擬其體裁樸懋之俗份份藻雅矣戊子領鄉
薦七上春官皆不第齟齬于時奇思健氣溢爲詞

章然多酬贈游衍之撰本其志殆不徒以文人自命思欲爲當時輸誠效節著功業于春秋退而抒意綴詞成一家言卒未之能待也詩賦得之漢魏騷選爲多近體似開寶以上名家書啓誄贊超軼峻整使出晉宋人口皆成奇語至於敘記諸篇命意深厚敷言爾雅不類文士之詞所著有陂門山人文集若干卷

石琚字仲方益都人也賦性質慤喜施予篤學不倦至忘寢食六經子史靡不考索歸宿遊黌校屢

文學

青州府志卷十五

四十一

試第一登嘉靖甲午魁業成均涇野呂公校之擢居第一曰狀元才也時新崇志堂遂屬代筆爲記鐫石太學都下從遊者甚衆至今科第不絕所著有六子要左氏敘畧藏于家

李時颺字舜卿益都人少游庠序博聞強識以剛介齟齬于世嘗齎糧躡蹻跋涉訪草郡志未竟

卒

武功

持戟百萬齊得十二豈獨險塞形利勢便哉蓋亦資武臣力也自是而後健夫壯士鑿門秉鉞刻漏揮戈皆能折衝威敵匡濟時艱有足稱者顧惟遺烈鷹揚尚矣

周王子成父齊大夫襄公二年鄭瞞伐齊王子成父獲狄榮如埋其首于周首之門

晏弱齊大夫齊侯使諸姜宗婦來送葬萊子不會故晏弱成陽以偪之遂入萊萊共公浮柔奔棠晏

武功

青州府志卷十五

四十二

弱圍棠滅之遷萊子于邠高厚崔杼定其田

司馬穰苴田完之苗裔也晏嬰稱其文能附衆武能威敵景公任以爲將軍兵捍燕晉之師乃申明約束斬佞臣莊賈玩令之罪以殉三軍三軍之士皆股栗及行師士卒次舍井竈飲食問疾醫藥皆身自附循之又悉取將軍之資糧享士卒身與士卒平分糧食最比其羸弱者三日而後勒兵病者求行爭奮出爲之赴戰晉師聞之爲罷去燕師聞之度水而解遂復所亡封內故境而引兵歸景公

尊爲大司馬後齊威王使大夫論著古兵法附穰苴於其中因號曰司馬穰苴兵法

孫武齊人以兵法見吳王闔廬闔廬曰子之十三篇已識之可少試勒兵乎對曰可闔廬出宮中美人百八十孫子分爲二隊以愛姬二人爲隊長皆令持戟令曰汝知而心與左右手背乎婦人曰知之約束旣布設鈇鉞卽三令五申之於是鼓之左右婦人皆大笑孫子曰約束不明申令不熟將之罪也旣明且熟而不知法者吏之罪也遂斬隊長

武功

青州府志卷十五

四十三

二人以狗用其次爲隊長於是復鼓之婦人左右前後跪起皆中規矩繩墨闔廬知孫子能用兵卒以爲將西破強楚入郢北威齊晉顯名諸侯

孫臏武之孫生阿甄之間與龐涓俱學兵法涓爲魏將嫉臏之能以計刖其足齊使竊載歸齊齊將田忌進威王遂以爲師魏伐趙趙急求救于齊乃以田忌爲將孫子爲師居輜車中坐爲計謀大破魏軍後十五年魏與趙攻韓韓告急於齊齊使田忌將而徃直走大梁龐涓聞之去韓而歸魏臏乃

用滅竈之計度其行暮當至馬陵斫大樹白而書之曰龐涓死此樹下涓果夜至見白讀之未畢萬弩俱發魏軍大亂涓乃自刎

田單臨淄人齊諸田疏屬湣王時爲臨淄市掾燕伐齊盡降齊城惟莒卽墨不下卽墨人謂單多智習兵立爲將軍以卽墨拒燕縱反間令燕疎樂毅代以騎劫于是用火牛之計大敗燕師盡復齊七十餘城乃迎襄王于莒入臨淄封單爲安平君

韓信淮陰人初以卒從項梁梁死屬項羽爲郎中**武功**至咸陽亡從入漢爲連敖廩客蕭何言信爲大將軍別定魏趙爲齊王徙楚擅發兵廢爲侯

青州府志卷十五

四十四

漢傳寬以魏五大夫騎將從爲舍人起橫陽定三秦擊項籍破齊歷下軍擊田解屬相國叅殘博益食邑因定齊地剖符世世勿絕封陽陵侯二千六百戶除前所食爲齊右丞相備齊五歲爲齊相國**郭蒙**薛人以扈衛起破秦軍入漢定三秦監守廩倉破項籍封東武侯食邑五千戶

葛嬰符離人陳涉令將兵狗斲以東嬰立襄疆爲

楚王時涉已王楚遂殺嬰漢文帝錄嬰有功封其孫爲諸城侯因家焉

晉劉裕安帝時破廣固擒慕容超加青冀二州刺史

向靖小字彌從劉裕討慕容超攻陷臨朐擐甲先登以功遷督

王鎮惡猛之孫從叔父曜歸晉客居荊州讀諸子兵書嘗爲臨澧令劉裕召與語異之鎮惡意略縱橫論事果斷裕謀討劉毅鎮惡曰請賜百舸爲前

武功

青州府志卷十五

四十五

驅兵發詐稱劉兗州徑襲江陵劉毅倉卒出奔自縊江陵平後屢平寇賊除游擊將軍北伐有功裕勞之曰成吾霸業者眞卿也進號征虜將軍留輔第二子義眞鎮長安後爲沈田子所害

高衡樂安人大元初爲東莞太守謝玄北鎮江陵時符堅方盛衡與彭城劉牢之東海何謙琅琊諸葛侃東平劉軋西河田洛及晉陵孫無終等以驍猛應選玄以牢之爲參軍領精銳爲前鋒百戰百勝號爲北府兵敵人畏之

南北朝孟懷玉平昌安丘人武帝東伐孫恩以爲建武司馬從平京口定建業以功封鄱陽侯盧循逼京邑以戰功爲論議參軍循平封陽豐縣男遷江州刺史尋丁父艱有孝性上表陳解不許因抱疾卒弟龍符以軍功封平昌縣子加龍驤將軍

宋徐興青州人以拳勇隸兵籍周顯德中從太祖征晉陽有功遷本軍副指揮使太平興國初從潘美趣圍栢谷奮與賊鬪生擒僞兵馬都監李美身被重傷無回撓及征太原封幽薊興從戰屢中流

武功

青州府志卷十五

四十六

矢以著蹟聞累官左監門衛大將軍

劉闔字靜叔青州北海人以拳力爲軍校從文彥博討貝州次城下穿穴入城貝州平功居第一擢虎翼指揮使累遷宣武神衛都指揮使以左金吾大將軍致仕卒年八十五

金王廷玉事見李全傳

元張禧益都人年十六從大將南征又從世祖濟江與宋兵戰屢捷後下襄樊取閩浙皆力戰累官江陰路水軍萬戶加鎮國上將軍都元帥時朝廷

議征日本禧請行即日拜行中書省平章政事與范文虎李庭同率舟師泛海東征遇颶風文虎庭戰艦悉壞禧豫有區處所部獨完

張弘剛字憲臣父禧爲主將所誣繫獄將殺之弘剛直入獄中佯狂謔笑守者易之遂與其父逸去後父攻城狗地屢有功累官萬戶後從征八百媳婦國戰沒封齊國公謚宣武子漢當襲職讓其弟鼎漢官至集賢院直學士鼎襲江陰水軍萬戶

賀祉益都人父進嘗平漣水有功爲元帥左監軍**武功**
青州府志卷十五
四十七
守淄州改千戶守膠州祉初質子入宿衛至元六年襲父職爲千戶仍守膠州七年宋兵攻膠州祉固守戰退之十年領舟師五百艘爲先鋒攻五河口城軍還殿後時宋兵以巨索橫截淮水號混江龍祉用大刀斷之却其救兵清河城遂降

鄭衍安丘人本司農玄之後少有膽氣元初以武功拜都元帥滅金命衍與諸鎮分略淮楚間十五年餘以老謝事平生不嗜殺戮後嗣蕃庶

董進高苑人初應勇士募力戰功遷武義將軍金

秀大亂豪傑竝起濟南行省張相倡義經營淄濟
二州進爲之用掃除略定授懷遠大將軍元帥左
監軍分治本縣令兼領鄒平事幾二十年

元直脫兒蒙古氏父阿察兒事太祖爲博兒赤直
脫兒從太宗征欽察康里回回等部有功世祖命
領諸萬戶爲監戰達魯花赤以討伐有功遷益都
路蒙古萬戶監戰密州沒于軍

武功

青州府志卷十五

四十八

隱逸

士有混迹編氓放情丘壑薄軒冕而溷簪紱者豈直潔身遺世哉盖各有所趨焉易贊尚志語叙逸民或表商容之間或式段干之里徘徊諄復厥慮遠矣麥丘而下志行各殊高標勁節均繫國紀作隱逸傳

周麥丘邑人史逸其姓名齊桓公田至麥丘見邑人問曰子年幾對曰八十三矣公曰美哉壽乎子其以子壽祝寡人對曰祝主君使甚壽金玉是賤

隱逸

青州府志卷十五

四十九

人爲寶曰善子其復之曰祝主君使無羞學無惡下問賢者在旁諫者得人公曰善子再復之曰祝主君使無得罪於羣臣百姓公曰善于是自御以歸封之以麥丘而斷政焉

郭墟野人謂桓公善善不能用惡惡不能去所以亡者桓公賞焉

小臣稷齊人抗厲希古桓公凡三往而不得見公嘆曰吾聞布衣之士不輕爵祿則無以助萬乘之主萬乘之主不好仁義則無以下布衣之士於是

五往乃得見焉桓公以此能致士爲五霸之長
成颯齊人謂齊景公曰彼丈夫也我丈夫也吾何
畏彼哉盖有志者或稱春秋處士

王斗皇甫士安高士傳齊隱士

黔婁子齊隱士守道不屈威王師之

顏蠋齊人戰國時隱居不仕常言有處窮方其藥
四味一曰無事以當貴二曰早寢以當富三曰安
步以當車四曰晚食以當肉

淳于越齊人諫始皇曰今陛下富有海內而子弟

隱逸

青州府志卷十五

五十

爲匹夫卒有田常六卿之患何以相救事不師古
而能長久者非所聞也始皇下其議爲李斯所絀
漢夏黃公留侯世家註云夏黃公姓崔名廣字少
通齊人與東園公綺里季用里先生共稱四皓云
周璆樂安人志行高潔前後郡守召命莫至惟陳
蕃能致焉字而不名特爲設一榻去則懸之

任旒字子旃博昌人守節勵行黃巾賊寇博昌聞
旒姓名曰夙聞任子旃天下賢士那可入其鄉

栗融字客卿齊人**禽慶**字子夏**蘇章**字游卿俱北

海人皆去官不仕王莽

薛方齊人以明經飭行顯名於世嘗爲郡掾祭酒屢徵不至王莽時以安車迎方方辭謝曰堯舜在上下有巢由今明主方隆唐虞之德小臣欲守箕山之節莽悅其言不强致方居家以經教授善屬文著詩賦數十篇光武即位徵之道病卒

逢萌字子康北海人家貧初爲亭長擲楣嘆曰大丈夫安能爲人役哉遂去之時王莽逆節旣著萌謂友人曰三綱絕矣不去禍將及即解冠掛東都

隱逸

青州府志卷十五

五十一

城門歸將家屬浮海客於遼東光武即位始還勞山累徵不起

管寧字幼安宋虛人與華歆邴原相友時號爲一龍寧爲龍頭原爲龍腹歆爲龍尾寧嘗與歆共鋤菜見地有金寧揮鋤不顧如瓦礫歆捉而擲之又嘗同席讀書有乘軒過門者寧讀如故歆棄書往觀寧遂割席分坐曰子非吾友也人因辯其優劣漢末避亂遼東依公孫度度安其賢民化其德後浮海還魏初累徵不起明帝時安車蒲輪束帛加

璧聘焉會寧卒

邴原字根矩朱虛人少與管寧俱以操尚稱郡辟皆不就原避亂遼東居一年依原居者數百家教授不絕後曹操辟爲司空掾崔琰曰邴原張範皆秉德純懿志行忠方所謂龍翰鳳翼國之重寶薦爲武官將閉門自守非公事不出

王烈北海人漢末避亂遼東民化其德

孫嵩安丘人年二十餘遊市見趙岐察非常人停車呼與俱載密問岐岐以實告遂與俱歸藏複璧

隱逸

青州府志卷十五

五十二

中註孟子後諸唐滅乃出

晉王尼字孝孫城陽人東瀛公騰辟爲車騎府舍人不就時尚書何綏奢侈過度尼謂人曰綏居亂世矜豪乃爾其能久乎未幾果爲東海王越所殺尼初入洛見越不拜問其故尼曰公無宰相之能是以不拜後以荆土饑荒父子俱餓死

張協字景陽安平人少有雋才辟公府掾歷官中侍郎轉河間內史在郡清簡寡欲時天下已亂寇盜四起遂屏居草澤嘗作文自娛曰七命辭甚奇

麗永嘉初徵爲黃門侍郎托疾不就

南北朝鄭脩北海人少隱於岐南山谷中依巖結屋不交世俗雅好經史專志玄門州將每徵不至岐州刺史魏蘭根頻遣致命脩不得已出見尋還山舍

臧榮緒莒人純篤好學括東西晉爲一書紀錄志傳凡一百一十卷隱居京口教授齊高帝徵爲主簿不就敦愛五經謂人曰昔呂尙奉丹書武王致齋降位孚釋教誠並有禮敬之儀因甄明至道乃隱逸

青州府志卷十五

五十三

著五經序論自號被褐先生

五代何魯字素臣益都人家蓄書數千卷以探討自娛尤好老莊時青齊爲僭竊之地貢賦不恒巨盜充斥魯曰老氏垂戒名與身孰親養生之理深根固蒂遂性全真而已生逢多難苟能去危就安全身遠害啓足無愧可也遂隱居不仕

宋傅霖青州人少與張詠同學霖隱不仕詠旣顯求霖三十年不可得及詠知陳州乃來謁闔吏白霖請見詠責之曰傅先生天下賢士吾尙不得爲

友汝何人敢名之詠問霖昔何隱今何出霖曰子
將去來報子爾翌日別去後一月詠卒初詠登第
時寄傅逸人詩云前年失脚下漁磯苦戀明時不
忍歸爲報巢由莫相笑此心非是愛輕肥霖亦贈
詠詩云君把浮名買却閑門前流水對青山青山
不語人無事門外風光任往還

劉孟節壽光人少師种放篤古好學隱于青州之
南治歐冶子鑄劍之地富韓公爲築室以居嘗賦
詩餞之曰先生已歸隱山東人物空范文正公文

隱逸

青州府志卷十五

五十四

潞公皆優禮之欲薦之朝孟節懇辭不就

麻希夢前青州錄事參軍年九十餘居臨淄太宗
以高年詔至闕詢及人間利害敷對詳明訪以養
生之理對曰臣無他術惟寡情欲節聲色薄滋味
詔以尙書工部郎中致仕賜金紫子**景孫**興國中
登進士孫**溫****其溫****舒**祥符中相繼第三人及第衣
冠以爲盛事天下稱麻氏教子有法

張荷壽光人師事种放與吳盾魏野楊朴宋澥爲
友性高潔爲文奇澀著過非九篇放謂隋唐以來

士罕能及之有詩文三卷

蘇丕青州人祖德祥建隆間狀元丕有高行少時一試禮部不中拂衣去居泃水之濱五十年不踐城市歐陽脩言於朝賜號冲退處士

元張子塾蒙陰人長於文學元末隱居教授鄉人從者甚多後召至太學講經授翰林院檢討不就
孟過壽光人孟子五十一代孫號拙菴老人隱晦不仕書其門云縣裏人來休問事陟中景好莫吟詩意謂知音者少向有蔡尙書以金帛羊酒果物

隱逸

青州府志卷十五

五十五

詣門禮請爲師過不納止受盤果而荅以詩焉

許益字孟謙號南齋壽光人游于張長白之門篤志力行冠婚喪祭一循古禮化導鄉俗尤善誘後學弟子常數百人講明心學有資世教卒年六十八

李裕字好問世居壽光幼敏慧日記數千言嘗從鄒平張長白先生游講明理學不尙科舉隣邑競相館延徒至數百人循循善誘貧寒者尤委曲成就之宗族必諭之輯睦喪祭恪守文公家禮鄉人

化之號海濱逸人至正十六年卒

慕青餘民者姓樂氏名均用字國寶益都人資厚端惠不苟讀書務明理斥口耳之學元中統癸亥益都守臣強之仕力辭不受令徙嶺南橫州均用即日就道怡然抵橫卜居州東手結竹居題曰竹廬非其力不食越數年橫州路達魯花赤廉其學行薦爲儒學提舉均用泣下再拜曰某無似不能爲更化之民幸得免罪至此以養殘喘足矣今辱以儒官舉豈其志哉事乃已因號慕青餘民盖以

隱逸

青州府志卷十五

五十六

益都古青州也

國朝劉曷字宗曦壽光人甄之弟翊父也通經史能詩文號松溪居士縣令李儀薦之不起子六人多顯第邦人語曰燕山竇十郎松溪劉居士教子有義方千載總相似封太子太保戶部尚書

李竑青州左衛人卜築北溪刻意詠吟鄉曲士友勸習舉業舉手一笑而已田二十畝槩入王府失業移居一貧如洗子二訓蒙以供朝夕杜門不出絕無怨尤

黃玉字君佩益都人世居城東三里莊忠厚仁恕素履坦夷忘機息知敦行孝弟有古人之風樂施與業農廣田千畝耕植有方歲入除公賦伏臘外悉周親友間貧不能葬娶者街衢橋梁多所助濟偶道拾遺金愀然不樂令遍覓其主給還之其存心類如此刻意延師教子孫日持大誥孝經訓之循循懇懇坐臥不忘一時鄉達咸推重其爲人如馮公裕石公存禮皆樂與之遊有居鄉鎮俗之雅年八秩遇例冠帶郡守李獻可慕其德親造其廬

隱逸

青州府志卷十五

五十七

延致大賔八十八終子五曰仁義禮知誥禮之子緯登己未進士令榆次有德政聲徵天之篤培云

僑寓

達人傳舍形骸逆旅天地況蓬踪轍跡東西南北之間邪顧魯逢宋甫地易道同楚材晉用囊處頽脫不啻璞玉淵珠精光自露也其間若紘之智況之覈光之高岐之洽可謂卓偉不羣矣下此亦各有可述者焉作僑寓傳

周臧紘字武仲魯大夫自防奔齊齊侯將爲臧紘田臧孫聞之見齊侯與之言伐晉對曰多則多矣抑君似鼠晝伏夜動不穴於寢廟畏人故也今君

僑寓

青州府志卷十五

五十八

聞晉之亂而後作焉寧將事之非鼠何如乃弗與田仲尼曰知之難也有臧武仲之知而不容於魯國抑有由也作不順而施不恕也夏書曰念茲在茲順事恕施也卒遂葬焉墓名**臧臺**

荀卿趙人年五十始來遊學於齊騶衍之術迂大而閎辯爽也文具難施淳于髡久與處時有得善言故齊人頌曰談天衍雕龍爽炙轂過髡田駢之屬皆已死齊襄王時而荀卿最爲老師齊尚脩列大夫之缺而荀卿三爲祭酒焉齊人或讒荀卿荀

卿乃適楚而春申君以爲蘭陵令

慎到趙人游齊與鄒衍田駢之徒游稱稷下文學之士

環淵楚人與慎到皆學黃老道德之術因發明序其指意故慎到著十二論環淵著上下篇而田駢接子皆有所論焉

蘇秦東周雒陽人也戰國時挾策以遊六國得仕於齊因授相印後復自燕來奔齊宣王以爲客卿嚮用之齊諸大夫乃多與秦爭寵者使人刺蘇秦

僑寓

青州府志卷十五

五十九

不死殊而走齊王使人求賊不得秦且死乃謂齊王曰臣卽死車裂臣以殉于市曰蘇秦爲燕作亂於齊如此則臣之賊必得矣於是如其言而殺蘇秦者果自出齊王因而誅之乃葬秦於境今益都縣東二十五里有墓存焉

漢姜肱字伯淮彭城廣戚人家世名族與二弟俱以孝行著聞肱博通五經兼明星緯遠方就學者三千餘人桓帝時中常侍曹節等殺陳竇欲借肱賢德以釋衆望乃白徵肱爲太守肱隱身遯命遠

浮海濱再以玄纁聘不就卽拜太中大夫遂羸服
間行竄伏青州界中賣卜給食召命始斷家亦不
知其處

趙岐字邠卿京兆長陵人少明經有才藝娶扶風
馬融子女融外戚豪家岐常鄙之不與相見仕州
郡以廉直疾惡見憚後爲宦官唐衡兄玆所陷岐
懼禍及匿姓名賣餅北海市中時安丘孫嵩識之
載歸藏之複壁中數年岐作扈屯歌諸唐滅乃出
三府聞之同時並辟獻帝時就拜爲太常年九十
僑寓

青州府志卷十五

六十

餘卒著孟子章句三輔決錄

嚴光字子陵一名遵會稽餘姚人也少有高名與
光武同遊學及光武卽位乃變名姓隱帝思其賢
令以物色訪之後齊國上言有一男子披羊裘釣
澤中帝疑其光乃備安車玄纁遣使聘之三反而

後至

光本莊姓避
諱改莊爲嚴

南北朝成淹字季文上谷居庸人祖昇遷家北海
好文學有氣尚初仕宋後歸北魏官至謁者僕射
刁敷渤海饒安人仕晉爲齊郡太守因晉亂居青

州之樂安

李元護遼東襄平人晉司徒胤之八世孫胤子順璠及孫沉志皆名宦沉孫根仕慕容寶爲中書監根子後智等隨慕容德南渡河居青州數世無名三齊豪門多輕之元護以魏平齊後隨父懷慶南奔身長八尺美鬚髯有武力頗覽文史習於簡牘景明初爲輔國將軍齊州刺史廣饒縣伯

庾導潁州人歷覽經傳善草隸法輕財重義仕蕭衍右中郎將時戍漢中及至洛陽環堵弊廬多與

僑寓

青州府志卷十五

六十一

雋秀交正光中乃除幽州左將軍府主簿饒安令後客遊齊魯之間天平中卒於青州

楊弼字世輔北平無終人長於吏事北魏青州別駕加輕車將軍杜洛周陷城弼隨率宗親南渡河居於青州值邢果起逆青州城民疑河北人爲果內應遂害弼

張烈字徽之清河東武城人祖恂散騎常侍隨慕容德南渡因居齊臨淄烈少孤貧涉獵經史有氣概時青州有崔徽伯房徽叔與烈並有令譽時人

號曰三徽

崔模字思範清河東武城人父遵慕容垂少府卿模仕宋爲滎陽太守神麿中平滑臺歸降後賜爵武城男模篤厚不營榮利雖爲崔浩輕侮而不爲浩屈與崔頤相親往來如一家始模在南妻張氏有二子仲智季柔模至京師賜妻金氏生子幼度仲智以父隔遠乃聚貨規贖歸之其母張曰汝父至懷無決必不能來行人以賄至都模果顧念幼度謂行人曰何忍捨此致爲刑辱當爲爾取一人

僑寓

青州府志卷十五

六十二

使名位不減我乃授以申謨宋東郡太守也神麿中被執賜妻生子度申謨聞此乃棄妻子走還江外靈度刑爲閹人初眞君末模兄協子哀利爲宋魯郡太守以郡降賜爵臨淄子拜廣寧太守哀利二子懷順次恩仍居青州懷順以父入魏故不仕及魏克青州懷順迎哀利喪還葬青州云

李渾字季初趙郡平棘人以父死王事除給事中後以四方多難求爲青州征東司馬與河間邢邵北海王昕俱奉老母攜妻子同赴青齊未幾而爾

朱榮入洛衣冠殲盡物論以爲知幾

唐張瞻字博肆其先范陽人仕爲汾州平遙縣尉秩滿假道汶陽爲節度使李納所留署爲平盧軍押衙兼御史中丞子素自鄆之青謁節度使薛平平甚異之加兵馬使兼押衙遂家焉

僧淵初徙於薄骨律鎮太和初得還高祖聞其有文學又善談佛經敕以白衣賜襦幘入聽于永樂經武殿後以僧淵爲尚書儀曹郎遷洛之後爲青州中正出除龍驤將軍南青州刺史久之坐擅出

僑寓

青州府志卷十五

六十三

師無據檢覈幽禁後乃獲免僧淵元妻房氏生二子伯麟伯驥後薄房氏更納平原杜氏僧淵之徙也與杜俱去生四子伯鳳祖龍祖螭祖虬及還棄絕房氏遂與杜氏及四子家于青州

江可觀字智遠其先濟陽人仕爲平盧軍衙前兵馬卒于此因家焉

楊成云字德仙其先關中人素琴一張老莊萬卷池亭之下逍遙自娛有子弘立仕爲青州兵馬使因家焉

五代李鼎京兆長安人唐裔也累官國子祭酒唐末避亂徙家益都鼎生瑜爲青州推官瑜生成善畫落鳧不仕成生覺覺生宥亦歷官國子博士直史館

宋楊澈字晏如世家建陽晉天福中父思進北渡海因家於青澈幼聰警七歲讀春秋左傳卽曉大義建隆初舉進士調補河內主簿再遷青州司戶叅軍後單騎服僞帥郭再興又平土豪黎羅二姓遷祠部員外郎復知淄州

僑寓

青州府志卷十五

六十四

吳邦傑登州軍事判官寓居日照爲大元兵所得驅令攻城邦傑曰吾荷國恩詎忍攻吾君之城與之酒食不顧乃殺之詔贈朝列大夫定海軍節度副使

元巖實字武叔長清人金時除長清令爲主將所疑挈家依益都張林以避後歸元爲東平路行軍萬戶有功德於民封魯國公

李庭本金蒲察氏金末徙中原改稱李氏家於濟陰後徙壽光至元六年以材武選從大將攻宋襄

樊取臨安累遷中書左丞後東征日本遇風壞船
庭抱船板漂流抵高麗得還宗王乃顏叛從世祖
征之流矢中胷貫脇裹創復戰令軍中修百弩俟
敵仍持火炮夜入其陣敵相殺潰散帝命庭與月
兒魯蒙古軍並進遂縛乃顏以獻累官樞密院事
卒追封益國公諡武毅子大用歸德府同知大椿
襲封益都萬戶

張仁義東安州人金末徙家益都元太宗下山東
仁義乃走信安時燕薊已下獨信安猶爲金守主

僑寓

青州府志卷十五

六十五

將知仁義勇而有謀用之左右元兵圍信安仁義
帥敢死士開門出戰圍解署軍馬總管守信安踰
十年度不能支乃與主將舉城附以平定河南功
授管軍元帥賜爵關內侯

合刺普華岳璘帖木爾子也幼侍奧敦氏居益都
嘗歎曰幼而不學有不墜吾宗者乎父時以斷事
官建牙保定合刺普花往白其志父奇之俾讀書
李壇叛其母携季子避地登萊間音問隔絕合刺
普華號泣徹晝夜繼從叔父撤吉思平賊山東卒

奉其母以歸撤吉思深加器重言於世祖召給宿衛累官廣東都轉運鹽使兼領諸蕃市舶後以征占城交趾爲賊所執欲奉之爲主不屈遂遇害諡忠愍

王用其先萊陽海滄人後遷壽光縣斟灌城用少習武藝仕金以保障鄉閭官至鎮國上將軍知益都府事兼本路兵馬都總管行元帥府事

劉世傑蜀人徙居昌樂起身風憲尋拜南臺監察御史出知汝寧府

僑寓

青州府志卷十五

六十六

國朝茂彪字宗彞江都人先世謫戍鳳陽彪生於陝西登進士授監察御史爲人口吃嘗侍班糾儀上亦爲之啓顏陞山東按察司僉事

青州府志卷之十五終

